

Odluka o imenovanju direktora i zamjenika direktora Agencije za informaciju i zaštitu Bosne i Hercegovine

Koristeći se ovlaštenjima koja su mi povjerena u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela Mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pomaže, kada Visoki predstavnik to ocijeni neophodnim, u rješavanju svih problema koji se pojave u vezi sa implementacijom civilnog dijela Mirovnog ugovora";

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada to ocijeni neophodnim", o određenim pitanjima, uključujući i (prema tački (c) stava XI.2) mjere kojima se osigurava implementacija Mirovnog sporazuma na cijeloj teritoriji Bosne i Hercegovine i njenih entiteta;"

Imajući u vidu da je *Zakon o Agenciji za informacije i zaštitu Bosne i Hercegovine* objavljen u "Službenom glasniku Bosne i Hercegovine" 2. jula 2002. godine i da je stupio na snagu osmog dana od dana objavljivanja;

Imajući takođe u vidu da je u članu 32. navedenog Zakona propisano da (će se) "Imenovanje direktora i zamjenika izvršiti (će se) najkasnije u roku od 10 (deset) dana od stupanja na snagu ovog zakona";

Uzimajući u obzir da predviđeno imenovanje do danas nije izvršeno;

Svjestan potrebe za postavljenjem direktora i zamjenika Agencije za informacije i zaštitu kako bi se omogućio normalan rad Agencije;

Imajući na umu navedena pitanja u cjelosti, Visoki predstavnik donosi slijedeću odluku koja stupa na snagu odmah:

ODLUKA

o imenovanju direktora i zamjenika direktora Agencije za informaciju i zaštitu Bosne i Hercegovine

Za direktora i zamjenike direktora Agencije za informacije i zaštitu Bosne i Hercegovine imenuju se:

g. Sredoje Nović, direktor

g. Emir Bijedić, zamjenik direktora

g. Dragan Lukač, zamjenik direktora

Ova odluka stupa odmah na snagu i odmah će se objaviti u "Službenom glasniku Bosne i Hercegovine".

Sarajevo, 6. oktobar 2002.

Paddy Ashdown

Visoki predstavnik